



Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 200. Anglorum exercitus a Delphino profligatus.

[urn:nbn:de:hbz:466:1-66272](#)

nisi pro defensione fidei, suorum bonorum Sæcul. XV.
ac vitæ arma sumplisse, demum hortan- A.C. 1421.
tur omnes, ut in eandem cum illis opi-
nionem abirent, adjectis etiam minis ad-
versus eos, qui præfatis quatuor Articu-
lis refragari ausi fuerint.

§. CXCIX.

Hujus conventus Articuli.

Præter istas literas, insuper die septima *Cochl. ibid.*

Julii ejusdem anni celebre cogebant conciliabulum, quod ipsi sacram Synodus appellant. Considerunt in eo viginti duos articulos, qui eorum complectuntur errores de Sacramento Eucharistiæ, Ceremoniis Missæ, & Clericorum reformatione, docentque, nullam civilem seu profanam legem locum habere. In hisce articulis confessionem auricularem non rejiciunt, imo alios nonnullos proferrunt, qui doctrinæ & usui Ecclesiæ haud abseni esse videntur, alios vero terminis ambiguis, atque obscuris ita involvunt, ut inde ingentes inter eos natæ fuerint dissensiones.

§. CC.

*Anglorum exercitus a Delphino
profligatus.*

Interea Henricus V. Angliæ Rex, post- *Sav. Ursin.*
quam anno priore ad finem vergente *Hist. Car. VI*
ad

Sæcul. XV. ad Insulam suam rediisset, nova militum
A.C. 1421. ac pecuniarum subsidia collecturus, in
Galliis vices suas gerentem reliquit Clarentiæ Ducem fratrem suum. Delphini
vero partibus favebant, easque strenue
tuebantur Andegavenses, Turonii, Pictavienses, Arverni, Bituricenses, Delphina-
tus, atque Occidania. Harum Provin-
ciarum auxilio Delphinus jus suum in
Galliæ Regnum vindicare aggrediebatur.
Eidem quoque Scotiæ Rex ductore Co-
mite de Bouchaim seu Bukan submisit
tria aut ferme quatuor armatorum mil-
lia, omnes selectioris militiae viros. Er-
go Galli Scotti conjuncti castra movent,
atque adversus Clarentiæ Ducem, qui
cum decem millibus Balgium Andega-
viæ urbem obsidere meditabatur, arma
vertunt, manus conserunt, & Anglorum
exercitum fundunt, ipsumque eorum Du-
cem unacum duobus suorum millibus, &
amplius trucidant, reliqua exercitus par-
te per agrum Cenomanensem in Norman-
niam fugere compulsa. Parta est hæc
victoria in vigilia Paschatis, & Comes de
Bukan, qui summa virtute rem gessit, in
fortitudinis suæ præmium Connestabilis
gladio per Delphinum condecoratus est.
Prospero hoc eventu penes Gallos victo-
riæ summa stetit, & Delphinus in Per-
chiensi, & Carnutensi districtu quædam
etiam loca recuperavit.

Baugé

§. CCI.